



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occvpationes Morientivm In Societate Iesv


Nádasi, János

Romae, 1657

Admodvm R. P. Nostro In Christo Patri Gosvvino Nickel Soc. Iesv
Praeposito Gen. Ioannes Nadasi Opt. Fel.

urn:nbn:de:hbz:466:1-45415

ADMODVM R. P. NOSTRO
 IN CHRISTO PATRI
 GOSVINO NICKEL
 SOC. IESV PRAEPOSITO GEN.
 IOANNES NADASI OPT. FEL.


A V E, Imperator; morituri te salu-
 lutant; acclamabant Claudio Ce-
 sari naumachiarij prelium inituri.
 quibus & ille aiebat: Auete vos.
 Introspecte hos Tuos, A. R. P. quos
 ego hic in morte, velut in ponte
 naumachiaro, Tibi sisto: & illos Tuos tam exper-
 recte aciei oculos per vniuersum latè longèq; ter-
 rarum ac marium orbem hac occasione circum-
 fer. Quot sunt, qui supremà veluti naumachia, pro
 aduendà Societate ciuium supernorum decertant:
 & Tibi, qui militantis huius minima sub vexillo
 Iesu Societatis, anno abhinc iam sexto plurimà
 Comitij maximi suffragatione dilectus es Impera-
 tor, De CLIMO Generali è lectulis mortualibus, Electus
 seu vndeunde, voce supremùm singultiente, Ulti-
 mum à Te amplexum accepturi, acclamant: Aue,
 Imperator; morituri te salutant! Benè preca-
 re oram soluentibus. Dic morituris quoq; tuis;
 Auete vos; cui tanta cura est mortuorum, ut ijs
 primùm qui in Societate, ijs deinde qui in uni-
 uersa Christiana Rep. fideles decedunt, sanctissi-

Suetonius
 in Claudio
 cap. 21.

Electus
 anno 1652.
 17. Martii.

mà celestis munificentia liberalitate, sacrificia di-
 uina è sacro illo tuo sacrificiorum velut gazophy-
 tacio (quod solum tributū tibi pendimus) dones; quò
 illas animas nobilissimà obligatione deuincias, &
 ceu supplici legatione mittas ad celum, coràm istic
 pro illorum felicitate acturas, quorū quà beneuo-
 lentia, quà etiam beneficentia debet aliquid gratè
 memor Societas. Iam si eorum qui eò nauigiū
 appulere, ubi deinceps non poterunt metuere nau-
 fragium, ut loquitur Chrysostomus, tam sagax,
 tamq; industria tibi cura est; quid hi à te spera-
 bunt quorum vita fluctuat inter portum, ater-
 numq; naufragium; quasi naues poma portan-
 tes; aut naues, ut legunt alij, voluntatis, que
 sola, si patiatur, facit naufragium? Et certè, si
 militia, seu tentatio, seu, ut vertunt alij, pira-
 terium, piratarum sedes, est vita hominis super
 terram; iuuabis in supremo certamine milites tuos
 contra infernatem piratam habentem tunc iram
 magnam. At de his, satis. Verū, Vite mihi scri-
 benda commissæ sunt! Nempe dum à morte, vlti-
 màm vite periodo, & rerum lineà, incipio, facio
 quod prudentes; in principio finem respicio: facio
 quod Palestini, alijq; , qui cū legunt, vel scri-
 bunt, à fine lineæ ordiuntur: facio quod aiunt ij
 qui illud; vitam meam annunciaui; legunt, mi-
 grationes meas. Vitas ergò scribo dum scribo
 migrationes. Et licebit hæc locupletare olim ex
 vitis, ac annuis. Prodeant interim his, veluti pro-
 dromi, sub uno conspectu positi; & profint: qui
 alias

Iob. 9. 6.

Iob. 7. 1.

Pl. 65. 9.

Epist. dedic.

aliàs ferè in otioso archiuÿ silentio latuissent.
Præclaræ sunt mortes Imperatoriæ, dicto ve-
teri: at religiosa longè securiores, & pretiosa.
Pretiosi fuere supremi dies Ludouici XI. Gallia-
rum Regis, medico suo quotidie quingentos au-
reos, pro extendenda vita industrià, numerantis.
Nobilius ex ultimis horū quos hic narro diebus,
opera meæ pretium spero, quia immortaliter du-
raturum. Horum ego supremum spiritum dum le-
go, legendumq; propono sanis, & agris, disco ac
doceo ad lectulos mortuales illud Philosophiæ
Theologiæ, ac sine paralogismis arguentis, quod
sapientibus religiosis suis (nempe Bonzijs) præ-
stituebat pro horà meditandi, teste S. Francisco
Xauiero, Præses. Cùm, inquit, extremo iam spi-
ritu mors vocem intercludit, si tum animæ è
corpore discedenti loquendi facultas detur,
quibus tandem verbis in illo digressu corpus
alloquatur suum. Sed Ave iterum, ac vale.
morituri te salutant. Vine Dei gloriæ, ac ad
maiorē Dei gloriā, efficacitate suauissimā,
uti tuus est genius, prouehendæ Societati, cuius es
DeCIMVS Generalis: sitq; Tibi felici Generali
Christus Assistens Pontifex. Romæ in Domino
Prof. Soc. Iesu 15. Augusti. die in cælum Ass.
Matris Dei, Regine nostræ. anno MDCLVII.

Lib. 3.
ep. 4.

Ad Hebr.
c. 9. v. 116